



تاریخ وادستان

سال ۱۳۳۶

مجموعه

ملک و ملت نافع ، تاریخ ، ادبیات ، فنون ، اقتصادیات و شئون سائر دیه متعلق
مباحث مفیده فی حاوی مجموعه شهریه در

توحید جناب باری [۱]

کیمدر شو آفتابی ایدن مرکز ضیا

کیمدر شوماهی ایابن آینه دجا

اولش نصل وجود پذیر اشبو ممکنات

کیمدر شو کائنات بدیمی ایدن بنا

کیمدر مسیح و صریحی ، جبریلی خلق ایدن

قوم یهودی کیمدر ایدن سوق افترا

کیمدر ویرن حبینه تاج نبوتی

کیمدر ایدن ملاحدی شروم اعتدا

تزیین ایدن نجوم ایله کیمدر عوالی

تویر ایدر جهانی نصل شمس روشنا

ایتمز نصل بو کردش دائمدن انحراف

طورمیش نصل هواده معلق بو آسیا

نردن ظهوره کلدی بودیچور قیرکون

نردن حصوله ایردن بوروز صفائما

نردن اولور خسوف و کسوفه زمین سبب

نردن قر نمرده ایدر شکل انخا



پرواز ایدر بوجو هواده نصل طیور
 نردن ظهوره کلدی عوالمده بو هوا
 دریا نصل تموج زیبا هیان ایدر
 بویله نصل ایدر جریان آب دلکشا
 نردن بو آب وتابه اولور دمبدم قرین
 ایام نوبهار ودم شدت شنا
 مه اقتباس نور ایدیور آفتابدن
 یا آفتاب نردن ایدر کسب انجلا
 کیمدر سحاب سابعی رحمت فشان ایدن
 نردن کلور ظهوره بو برق شرر نما
 هریشی نصل بوم مرکده جفت اولور عیان
 دائم نصل مساوی طوغر مرد ایله نسا
 کیمدر ایدن لحوم وشحومی لدیند وچرب
 کیمدر ویره ن دهان ایله امعایه اشها
 آکلر نصل تکلمنی بربرین انام
 ایلر ظهوره ، خلق بشردن نصل صدا
 کیمدر جمال دلبری طاقتکداز ایدن
 عشاق زاری کیم ایدیور عشقه مبتلا
 چیقدی مراده یوسف ولعمان کبی ذوات
 نردن ظهوره کلدی بوبیع وبواشتر
 دفع حوایجه نیجه خادم اولور دودست
 صندوقه وجودی نصل نقل ایدر دوپا
 بوناز وعشوه بولدی ندن بولطافتی
 نردن ظهوره کلدی کوزلارده بوادا
 نردن ایدر بوغازه حسن بتان ظهور
 عاشقده نردن اولدی بوخون دل خفا
 ابروی دلرباده ندر وسمه لطیف
 عاشقده نردن اولدی بو بخت سیه نما
 دلبرده کی تبسم عالمها ندر
 عاشقده ذوق نشه دمنده ندر بکا
 کیم ویردی سرسری دلی پترویه غیرتی
 کلدی ظهوره ساحه وسعتده روسیا

کیم اولدی سنی و غیرننه قوه الظهر
 ایتدی اسیر ناپولیونی پروسیا
 کیم ایلشدی نور تجلایه مقترن
 دارالعلوم بروقت اولشدی آسیا
 هرشهری دار فیض ایدی بیکارله عالمه
 آلمشدی بومریتی نردن بوتامیا [۲]
 کیمدر بلاد غربی ایدن شمدی مستنار
 اولدی ندن صنایعه کنجینه اوروپا
 دنیایی دترمدن بوناپارت اولدی نابیدید
 برآن ایچنده یانیدی بتون شهر موسقوا
 کیمدر ویرهن بخاره بو آثار حیرتی
 کیمدر ایدن شمندفری بویله تیریا
 نردن آلیر بوسرعت بی مثلی تلفراف
 واپور آت کبی نیجه اولمش یم آشنا
 کرچه عیان طبایع اشیاده بیک خواص
 خاصیتی کیم ایلدی اشیاده اختفا
 کیمدر خواصی ایلین اسباب رهزنی
 انسانی کیمدر ایتدیرن اسبابه التجا
 یارب ندر بو عالم هستیده اختلاف
 اولمش نیچون تباین افکار رونما
 برخاکدن چیقر شجر زهر وئی شکر
 برنخلدن اولور کل ایله خار رونما
 هرذره اولدی درس رموز مکونات
 هرقطره اولدی جوهر آینه بقا
 کلدی ظهوره صنعت ابرار سرمدی
 معمار قدرت ایلدی نادیده برینا
 لطف ایلدی بودبدیهی رؤیت ایلدم
 اولسون جناب خالقه بیک حمد و بیک ثنا
 ترک ایت یتر محبت دنیایی ای کوکل
 اقباله قبل نظر اولور انجای لابقا
 الله ربط قلب ایله لازمدر احتیاط
 بیک خانمانی محو ایدیور براوفاق قضا

آرزاده اول جهانده قدم چك بوباغدن
 زیر آك، خار، طلب دنیا ویرر ادا
 چك سرمه حقیقی چشم بصیرته
 اول آشنای حکمت اسرار کبریا
 ایستر ملیح و خوب اوله ایستر قبیح وزشت
 بوماسواده هر نه اولورسه صورنما
 ایلر هزار حکمت پنهان ایله عیان
 برپادشاه اقدس لایسل احتوا
 خلاق کن فکان صمدلم یزل نشان
 سلطان تخت سلطنت کیف مایشا
 یکتای تختگاه عیان در عیان عیب
 مظهر زیر پرده ایوان استوا
 فرد و قدیم و صانع و قدوس و مستعان
 حی و کریم و معطی و قیوم و کبریا
 آینه حقیقه تصویر بی عیان
 کنجینه شئونه کمال ابدنما
 نور ازل ، نقوش عدم ، جوهر قدم
 فیض ابد ، رحیم بر پرده خفا
 خلاق و منزل صحف و چارمین کتاب
 اصل ظهور و سر حکم روح ماسوا
 معنای اقدس کتب صنع اولین
 کثر ازل ، مال ابد ، آیت بقا
 نور مبین ارض و سما عالم و عایم
 کنه خفا نتیجه مضمون اعتلا
 بیک پرده بدایع قدرتدن آشکار
 بیک وهم وطن ایتهنده دخی وحدت انجلا
 ایتمز پنهان شهودینی اسرار غیب وریب
 ایلر عیان وجودینی آثار اختفا
 یارب ندر بود بدبه شان لایزال
 یارب ندر بر کوکبه عز لافنا
 باشند باشه عوالمک الله اکبری
 سر تابیا خلأقه خلاق ذوالعطا

اولمش جهانی رونی ایوان کن فکان
ایتمش کمالی مبدأ وانجامی احتوا
طاعتده قدسیان وقنادیلی اختران
برجامیه مئدسیدر قبه سما
ایلر کمال صدق ایله توحید ذاتی
بالجمله اتقیاو برایاو اصفیا
غفار اعظما ، صمدا ، رب ارهما
ای خستکان یاسه ویرن رحمتک شفا
سنسک ویرن بوچا کر بی تابه قدرتی
سنسک ایدن بوکمتری مسرور جابجا
وجداءه الهی مناجات اقدسک
بخش ایلدی اومرتیه فیض ابدیها
ایتمش روا خلائی دنیایه الوداع
دیرسم سزا مباشر عقابیه مرحبا
سنسک ویرن الهی بکا عقل ونطق وجان
سنسک ویرن الهی بکا نعمت وغدا
سنسک ایدن بوییکسی مقرون احترام
سنسک ایدن حیات ایله پاینده دائما
بیلدیر الهی جمله لسانی بو عاجزه
تاهربریله حمد و ثنا ایلم سکا
بن ایسته مم حدیقه صحرای مطلبی
یارب کتاب فیضه بنی ایله آشنا
ایتمش رموز کنکره عرشیه جستجو
برذره الویرر بکا آینه خفا
عقل و ذکا دیدکاری تزئید بهت ایدر
فیض جلیک اولمز ایسه زینت قوا
عونک الهی ایلمیدی محافظه
شمع حیاتم ایتمش ایدی چوقدن انطفا
یا بخر ایچنده اولمش ایدم شمدی بن غریق
یا بخر ایچنده اولمش ایدم واصل فنا
یا غریقی کز رکن اولوردم قرین موت
یا طاغری آشارکن اولوردم کشیده پا

یا ناکهان طور رکن اولوردم عدم نشین
 یا آنسزین یوررکن ایدردم بقای جا
 تألم ایدردی بنیه می یا اشتداد صیف
 تأثیر ایدردی جسمه یا صدمه شتا
 طعیان ایدردی تنده عناصر بلا سبب
 عصیان ایدردی دله خواطر بلادوا
 برکون ایدردی یولده یا حیدود، بی نشان
 برشب قیلاردی اویقوده سارق یا خود هبا
 بلع ایلزدی لقمه بی یا خود تن ضعیف
 نوش ایلزدی آبی یا خود جسم بی قوا
 اوده طور رکن خانه اولوردی یا منهدم
 یولده کیدرکن باشه اینزدی یا بر بنا
 یا اولدرردی تیغ تهورله بردنی
 یا ناکهان ایرردی دله اسرب قضا
 یا لبع ایدر سوام ، یا خود لدغ ایدر هوام
 یا بلع ایدر نهنک ، یا خود محو ایدر وبا
 سن ایلدک محافظه ای رب ذوالمنن
 سندن کلیر بکا بو عنایتله بو عطا
 یوق کندمی اداره اینچون بنده اقتدار
 امداده سن یتشمده سک، هر زمان بکا
 لطف و عنایت ایلایوب ای خالق رحیم
 سن ایلدکجه عالمه ارسال انبیا
 انسانلرک اولور کمی شداد بی شعور
 نادانلرک اولور کمی نمرود بی حیا
 اما کلنجه حاله بو عهد مذنبک
 بر ذره شکر نعمتکی ایتمدم ادا
 ویردی بنای جسمه خلل سیل معصیت
 اوغرار جزای هدمه چوروک اولسه بر بنه
 و اوایل (امیری) روز قیامتده حاله
 هرکس بنی ابی صانیور بن ایسم فنا
 بردرده دوشمشتم که بو عالمده حاصل
 باقدجقه کنزیه ایدرم نفرت وحیا

ایتدم نه خدمت وطنه جاندن اهتمام
 نه عامه اعتبار نه طاعانه اعتنا
 لایم طوتوبده باشمه یومروقله ضرب ایدر
 کلهیدی شمدی نزدیقه جبریل ذوالقوا
 (لاتقنطوا) یی کرجه بیوردک مهینا
 بومرته تغافل ایتزدی اقتضا
 کسم ینه امیدمی رب رحیمک
 بریلشم جنابکی ای رب ذوالعطا
 یوقدر یوزم ، دیه چک بشته برسوزم
 پیغمبرک شفاعتنه ایتدم التبا

~~~~~

### آلدیغمز قیمتی برمکتوب [عیناً]

(تاریخ وادبیات) مجموعه نفیسه سئک بوکره دست استفاده یی تزین ایدن .  
 ۱۱نجی نومروسنده مولد ، ناظم محترمی سلیمان چلبی حنفنده کی مقالات و تنقیدات  
 عالمانه کزی مطالعه ایلله مستفیض اولدم . بوبابده لایغ خاطر اولان برفکری  
 نظرگاه عالیترینه عرضه لزوم کوردم . مولد منظومه مبروکسی بیان بیورلدینی  
 وجهله ۲۵۰۰ بیت تشکیل ایتکده ایکن یازمه وباصه کتابلرده شمدی یه قدر  
 تام و صحیح بر صورتی کوریلهمدی . کوکل ایسته یورکه ذات عالی کمال تپروریلری  
 طرفندن مرحوم مشارالیهک مفصل و مکمل بر ترجمه حالی ده جامع اولق اوزره  
 بوائر عالی غایت نفیس بر طرزده طبع ایتدیریلسون . بوصورتله مصروف  
 بیوریله جق عمت شبهه سز هم کتبخانه عرفانکزی تزین ، همده ناظم مشارالیهک  
 روح پرفتوحنی یکی باشند خشنود ایده جکدر . آه وقتکز مساعد اولسه سزدن  
 دهانه عالی همتر بکله نیر اسلافک قیمتدار اثرلری کتبخانه گوشه لرنده محبوس  
 اولق روامیدر بوکی نوادر نفیسه مک نسخه لرینی تکثیر ایلله دائره انتشارینی  
 توسیع ایتک عرفان ملته بیوک بر خدمتدر بوکی کرانقیمت خدمتار ایه عصر  
 حاضرک کملین کرانه ترتب ایدر . بوندن اول بر هیئت مقتدره طرفندن  
 [ آثار مفیده کتبخانه سی ] نامی تحتنده بر کلیات میدان کتیریلوردی نه ایچون  
 یاریده قالدی مع التأسف بزده هرایی تشبث بویله عقامته محکومدر بریتوک یایدیغنی  
 دیگریمزک بیقه سی مملکتزده پک مضر بر عنقه شکانده تمرکز ایتشدن بزیلکن  
 عبدالحق حامد بک دکل کمال ، اکرم بکارله ضیا پاشا لک وسائر اعظم ادبامزک  
 کلیات آثارینی ده کسوه پوش انطباع اولمش کورمک ایتزدک حیفاکه حامد بک